

Brinckman, John: Sacht Rat! (1842)

- 1 Sacht Rat! Min oll lütt Fahlen,
- 2 wat büstz du schier un glatt!
- 3 Dor waßt woll schönen Klewer,
- 4 dor inne Koppel, wat?

- 5 Wu stur kannst du di steilen!
- 6 Wat settst du, flink un blind,
- 7 hen œwer Sleet un Rick un Tun,
- 8 so licht as Frühjohrswind!

- 9 Wat hest für dralle Been du,
- 10 wu dull sleihst achter ut!
- 11 Wat büst du kroensch und wählig
- 12 un prust so mit din Snut!

- 13 Sacht Rat! min oll lütt Fahlen,
- 14 sacht Rat! Wu ball, wu ball –
- 15 süh, denn so kümmt de Winter,
- 16 un denn kümmt uppen Stall.

- 17 Nahst kam se mit de Ägen,
- 18 mit Haken un mit Plog,
- 19 Swäp, Sadel, Tom un Sälen,
- 20 denn warst du fram genug.

- 21 Denn geiht di't anne Knaken,
- 22 giff't man'n sträken Fatt;
- 23 denn kamen Kropp un Schibel
- 24 un Muk un Gall un Spatt.

- 25 Sacht Rat! min oll lütt Fahlen,
- 26 sacht Rat! Wu ball, wu ball –
- 27 süh, denn so kümmt de Winter,

28 un denn warst up du stalt!

(Textopus: Sacht Rat!. Abgerufen am 23.01.2026 von <https://www.textopus.de/poems/63418>)